

類

焦

類稿卷第十

勾吳虛舟鄭若庸纂輯

山東按察司副使古虞百樓鍾 穀

圖書校閱

戶部陝西司主事西蜀少川王用楨

戶部福建司主事古粵礪山鍾 昌

工部營繕司員外四明臺韓張大器

同閱

臨清州知州古完呂珩 校正

太學生汪琪校梓

人品類

老

期頤

禮記云百年曰期頤

鮐背

釋名云老人稱

鮐背

難老

詩云未錫難老

大耋

易則大耋之嗟

養老

禮記云虞以燕禮夏以嚮禮殷以食禮周

修而燕用之

引經

禮云謂校年也

警戒

國語云

衛武公曰苟在朝者以警戒我

耄老

史云商紂

播棄黎老

耄矣

左傳云石碣曰老夫耄矣

無能

燭之武曰臣今老矣無能為也

趙孟

傳云諺謂

老將至者趙孟之謂乎

問終

絳縣人或年長習

大夫問之曰臣生之歲正月甲子朔四百四十

五甲子矣其年於今三之一也使問諸師曠曰
七十三年矣**雞皮**釋名云咽如鷄皮**曰**莫尚書
中候云齊桓公封禪謂管仲曰寡人日暮仲父
年艾**曰**為尹子云湯問伊尹曰壽可為耶伊尹
曰王欲之則可為弗欲則不可為也**如**戰國
策云武帝使使東帛加璧安車駟馬迎申公問
治亂事**治**又云孝文欲求治尚書欲召伏生
年老不能行詔晁錯往受之**始**韓詩外傳云
楚丘先生被策帶索見孟嘗君孟嘗君曰先生

老矣多遺忘矣先生曰使我投石拔距乎追車
赴馬乎吾則將死使我深計而遠謀乎設精神
而決嫌疑乎吾乃始壯矣何老之有載說苑
云楚文王伐鄭使王子華子露車二子出遊老
人載畚從乞焉不與博而奪之畚三老漢書云
漢高舉民年五十已上有脩行能率衆為善置
為三老鄉一人注鄉三老為縣三老令丞尉以
相教勿繇戍續漢書云馬援年六十二請行
師帝愍其老援曰臣雖老尚能被甲上馬帝令

試之援據按顧時帝笑曰嬰鑠哉是翁遂遣援

鳩杖

漢書云民年七十者授之以玉杖端鳩飾

鳩不噎之鳥也欲老人不噎也

同

又云仲秋

祠老人星于國郊

上疏

漢班超上疏云蠻夷之

俗畏壯侮老臣超犬馬齒老常恐年衰奄忽僵

仆但願生入玉門關不敢望封酒泉郡

先志

世

說云顧悅與簡文帝同年而髮早白簡文問曰

卿何以先老答曰蒲柳之姿望秋而凋松柏之

姿隆冬轉茂

為郎

史云馮唐白首為郎素髮齒

領

塗遠

又云主父偃曰吾日暮塗遠故倒行逆

施之

漏盡

又云魏曰豫為衛尉乞遜位司馬宣

王以豫壯未聽豫報書曰年過七十而居位猶

鍾鳴漏盡而夜行不止非人也拜大中食卿祿

而終

感化

劉平為全椒令百姓感化減年從役

生角

述異記云尹稚年九十左髮生角長寸半

三叟

魏應璩詩云古有行道入陌上見三叟年

各百歲餘相與鋤禾莠住車問三叟何以得此

壽
秋華

晉張載云氣力新衰損髮髮終以皓昔

為春月華今為秋日草**悲鏡**簡文帝云昔類紅蓮草自玩淥池邊今如白華樹還悲明鏡前

美丈夫

貌

尚書云洪範五事一曰貌**破老**周書云美

男謂之破老**子都**詩云不見子都**思**家語云

息土之民美**馬**爾雅云美士為彥皇皇穆穆

美也**冠玉**漢書云陳平美如冠玉**如**又云張

蒼肥白如瓠**白**傳云陳武子白皙而鬚鬢髮

甚黑也**美**傳云宋公子鮑美而豔**若**後漢

云馬援眉目若畫

前

記云漢江充容貌甚壯

帝見之曰燕趙固多奇士

甚

漢書云班伯少

受詩於師丹大將軍王鳳薦伯宜勸學召見宴

昵殿中容貌甚麗誦說有法拜中常侍

畫

又

云董偃始與母賣珠為業年十三隨母入平陽

公主家左右言其姣好主養之號董君

拔目

溫

彥博進止詳華人皆拭目以觀

通

晉書云王

蒙子仲祖美姿容常覽鏡自照稱其父子曰文

開生如此兒耶帽破入市買之群姬悅之爭遺

之帽擲果晉潘岳至美每行於道群姬常擲果

滿車中處屬晉書云王夷甫美貌常執玉柄塵

尾與手無別疑脂晉王右軍目杜弘理曰面如

疑脂目如點漆此神仙中人也天所秘康長七

尺八寸好容貌雖土木形骸不自飾而龍章鳳

姿天質自然神清晉書云謝尚論中朝人物杜

義膚清衛叔寶神清王人晉裴楷容儀俊爽時

人謂之玉人羊車衛玠在齒齕之中乘羊車於

洛陽市市人咸曰誰家玉人王玉子玠之舅也

語人曰吾與外甥並坐炯然若明珠之在我側
後卒人謂之看殺閔滂宋玉體貌閑麗懸珠東
方朔目若懸珠齒如編貝美秀子太叔鄭大夫
美秀而文懸珠潘安仁夏侯湛並美姿容每同
行人謂之連璧明儀李揆美風儀善奏對帝曰
卿門地人物文學皆當世第一信朝廷明儀乎
故時稱三絕楊炎退居求志肅宗即家拜散騎
常侍號玄靜先生美鬚眉峻風宇展望史云李
嗣真嘗引工展器於迂后奇其風度應對召相

王府參軍關玄靜圖之**盛飾**張易之美姿容禹
入禁中傅朱粉衣紈錦盛飾自喜**秀麗**崔澹舉
止秀峙時謂玉而冠者**秀麗**楊謹矜兄儀幹皆
秀偉謹嘗視鑑嘆曰兄弟皆六尺餘此貌此才
欲見容當世難矣胡不使我少体弱邪世哀其
言**皎然**語林云何平叔美姿儀而絕白魏文帝
疑其傅粉夏月與熱湯餅既啖大汗出隨以朱
衣自拭色轉皎然**玉樹**王戎云王衍神姿高徹
如瑤林玉樹自是風塵外物**太僕**王登謂王衍

曰兄形似道而神鋒太儻**履**王戎神彩秀徹
視日不眩裴楷目之曰爛爛如巖下電

醜丈夫

六極洪範六極六曰惡注惡醜也**聊**國策云

孟嘗君助少丈夫也**臭穢**釋文云醜臭也穢也

黠

家語云黠土之人**醜**推額呂氏春秋云陳

有惡人曰敦洽黠靡推額色如漆黑**不笑**左傳

云賈大夫惡娶妻美三年不言不笑御以如皋

射雉獲之其妻始笑而言**擲**記云張孟陽醜

每出人惡之輒擲瓦礫盈車

易

辨命論云易

為蹇頰形之異也注易鳴口張不正音侈偽

不

賜傳云叔向謂宗茂曰夫子貌不賜子若無言

吾其失子矣

失人

史記云澹臺滅明字子羽狀

貌甚惡孔子以為才薄既而受業名振諸侯孔

子曰吾以言取人失之宰我以貌取人失之子

羽

頰

又云蔡澤魁頰蹇額而相秦額鼻蹇也

睥目

又云華元睥目

睥

後漢書云承宮

名播單于單于使求見宮宮曰夷狄眩名非識

真也臣貌醜不可以示遠人乃以大鴻臚魏應代之

醜

漢蔡義年八十餘為丞相短少無鬚

眉貌似老嫗行步佻儻

欲

周燮自彥祖生而

欽願折頸醜狀駭人母欲棄之父不聽曰吾聞

聖賢多有異貌興我宗者此兒也

上

儻豎牛黑

而上儻深目而腋啄陳豹長而上儻

厲人

莊子

厲人夜半生子其父取火視之恐其似已注厲

人醜人也

公

醜盧杞秉政無學術貌么醜楊炎

薄之

不

封常清素瘠又脚踏高仙芝陋其貌

不納常清怒曰以貌取士失之于羽公其念之

寢倪

歐陽詢貌寢倪敏慧絕人

倅陋

李輔國貌

倅陋

鬼貌

盧杞陋甚鬼貌藍色

孱姬

郭子儀病

甚百官造省不屏姬及盧杞至則屏之隱几而待家人怪問其故子儀曰彼外陋內險左右見必笑使後得權吾族無類矣

顰異

許敬主改中

書舍人文德皇后喪群臣衰服率更令歐陽詢貌醜異敬宗侮笑自如

大頭

傳云符雄趙建武

中拜龍驤將軍貌醜頭大而足短故軍稱焉大

頭龍驤

孫秀

晉書云孫秀尚河東公主形陋短

小奴僕之下者也

駘他

莊子云魯哀公問仲尼

曰衛有惡人焉曰哀駘他丈夫之與處者思不

能去也婦人之請于其母曰與焉人妻寧為夫

子妻者十數而未止也是必有以異乎人也寡

人召而觀之果以惡駘天下

子真

家語云高柴

字子羔長不過六尺狀貌甚惡為人篤孝知名

孔子之門

伯倫

魏國統文云劉伶字伯倫形貌

醜陋身長六尺然肆意放蕩怒罵獨暢自得一

時常以宇宙為狹隱順莊子云支離疏者順隱於臍肩高於項會撮指天五管在上兩髀為脇也夏禹尸子云禹長頸鳥喙面目顏色亦惡天下獨賢之

長大人

夏禹帝王世紀云夏禹長九尺九尺商湯又云商湯長九尺文王帝王世紀云季歷之妃生文王昌身長十尺長狄傳云魯叔孫得臣敗長狄于鹹獲長狄僑如富文終生春其喉以戈殺之

理其首于子駒之北門鄆瞞伐齊齊獲其弟榮如理首于周之北門鄆瞞由是遂亡注鄆瞞長狄國名蓋長三丈骨節非常恐後代怪之故記其處所又穀梁傳云獲僞如兄弟三人造宮中國凡射不能害得臣善射射其目身橫九竅斷首而載之眉見於軼

案

禮斗威儀云君乘土

而王者其人長大

東夷

山海經云東夷長人者

額長三丈鋸牙鉤爪黑毛覆身不火食蝨禽獸

或搏人以食

案

周書云丘陵之人專而長

專

車家語云吳伐越陞會稽獲骨專車吳子使來

問仲尼仲尼曰禹會諸侯於塗山防風氏後至

禹戮之其骨節專車**十丈**國語云人之長者不

過十丈數之極也**孔子**傳云孔子長九尺**大人**

列子云帝令臣鰲負五山龍伯國之大人釣兩

鰲合負而歸帝怒**東方**淮南子云東方之人長

大荒東方朔神異經云西南大荒中有人焉長

一丈其腹圍九尺踐龜蛇戴諸鳥左手憑青龍

右手憑白虎兩脚中間相去千里脰圍一千五

百里但日飲天酒五斗不食五穀魚肉唯飲酒

好遊山海間不犯百姓不干萬物與天地同生

各路之人一名仁一名信一名神

前漢書

云

王莽時有奇士長丈六腰十圍出自蓬萊山自言巨無霸車不能載三馬不勝卧則枕頭鼓也

魁梧

後漢趙一體貌魁梧身長九尺望之甚偉

恃才倨傲

千秋

漢書云車千秋姓田為高寢郎

丞太子敗千秋訟太子冤上乃召見千秋長八

尺餘體貌甚美

後漢書

尹緯字景亮長八尺

腰帶十圍魁梧有大志

視跡

魏志云咸熙二年

襄武縣有大人見長三丈餘跡長二尺二寸白

髮著黃單衣

馬騰

表宏漢紀云長樂衛尉馬騰

其長八尺身軀洪大面鼻雄異而性賢厚人多

敬之

李嗣

長七尺

作賦

司馬相如大人賦世人

有大人号在乎中州宅弥萬里号曾不足以少

留悲世俗之迫隘号超輕舉而遠遊云云

製讀

晉郭璞長臂國讚云雙臂三丈體如中人反局

為者長臂之人脩脚是負捕魚海濱

短小人

侏儒

傳云臧紇戰敗國人歌曰侏儒侏儒使我

敗于邾注臧紇短小故也

焦僇

國語云焦僇氏

長三丈短之極也注西蠻也

二尺

廣延之國人

長二尺

一尺

神異經云西北荒有小人長一寸

朱衣朱冠**優旃**

史云優旃秦倡侏儒也

餓死

東

方朔云臣長九尺三寸侏一囊米錢二百四十

侏儒身長三尺亦一囊米錢四百二十侏儒飽

欲死臣朔餓欲死

相齊

晏子長不滿三尺而相

齊**二天**

何承天云漢光武時潁川張仲師長二

尺**晏子**

春秋云晏子短奉使楚楚為小門晏子

不入曰使狗國即從狗門入今奉使楚不當從

狗門入也

臧

左傳云邾人莒人伐鄆臧紇救

鄆敗于狐貍國人誦之曰臧之狐裘敗我于狐

貍我君小子侏儒是使侏儒侏儒敗我于邾

四

漢

漢蔡義為丞相年八十短小無鬚髮行步俛

仰常兩吏夾持乃能行也

王恂

王恂為桓溫主

簿為入短小故號曰短主簿

樂公

孫卿子云樂

公子高短小行若不勝衣

綱本

李仲為人短小

精悍時號短李

論衡

漢書云東方朔詒騶侏儒

曰帝以若曹無益于縣官今欲盡殺若曹侏儒

大惧

巨靈

漢武故事東郡送一短人長七寸名

巨靈

半人

孔平仲續世說云桑維翰身短面廣

每對鑑自嘆曰七寸之身如何一尺之面後終

第同榜四人秦王幕客陳保極戲謂人曰曰今

歲有三箇半人及弟以維翰短陋故謂之半人

人腊

酉陽雜俎云李章武有人腊長三尺餘頭

項髀肋成就言是焦僂國人**短僂**崔善為人清

察諸曹吏惡之以其短而偃朝曰曲於鈞封列

侯**鵠國**神異經云西海有一鵠國人長七寸日

行千里如飛百物不敢犯畏海鵠鵠吞之壽二

百歲在鵠腹中不死**王絜**魏書云王絜樂進並

短小人**端方**宋書云王敬弘形狀短小而坐起

端方**占夢**占夢書云凡夢侏儒事不成衆事中

止**矮人**郭璞讚云焦僂極么矮人又小矮音淨

美人婦人

靜女

詩云靜女其妹

洵都

又云洵美且都

清揚

又云有美一人清揚婉兮

姱華

又云有女同車

顏如舜華

髮雲

又云鬢髮如雲不胥髭也

誨淫

易云治容誨淫

金縢

何承天纂文云乎瑜美色

也

左傳云稱鄭有徐吾犯之妹甚美公孫

楚與公孫黑爭聘之

南威

戰國策云晉文公得

南威三日不朝遂推南威而遠之曰後代必有

以色亡國者

國語

公羊傳云邾婁顏夫人有國

色

美豔

宋孔父嘉之妻美宋華父督見之於路

目逆而送之曰美而黠

列仙傳

云簫史者

善吹簫能致孔雀白鶴秦穆公以女弄玉妻焉

一朝隨鳳飛去

風俗通

云南楚以美色為

姓

玄妻

傳云晉仍氏生女髮髮甚美光可以鑑

名玄妻

西施

越勾踐賈得西施進於吳夫差納

之不脩政事國遂亡范蠡載之歸于湖

釋

史

云紂囚西伯於羑里閼矢之徒以有莘氏之美

女獻於紂紂大悅乃釋西伯

方言

云秦晉

之間美貌謂之蛾美

李延年歌

云北方有

佳人絕代而獨立一顧傾人城再顧傾人國

樊姬 右之好女也 **樊姬** 趙后外傳云樊姬為卷髮

號新興髻為薄眉號遠山黛施小朱號慵來粧

折腰 漢書云梁冀妻孫壽色美善為妖態作愁

眉帝粧墮馬髻折腰步齒笑以為媚惑 **飛燕**

內傳云武帝時王母乘紫雲之輦履玄瓊之舄

下輦上殿呼帝共坐命侍女許飛瓊鼓雲和之

箏 司馬相如上林賦云若夫青琴宓妃之

徒絕殊襟俗 **絳樹** 魏文帝與繁欽書云今之妙

舞莫巧於絳樹清歌莫激於宋鵬

瑶姬

山海經

云丹山即巫山帝女居焉名曰瑶姬

心悅

漢記

云初光武聞陰麗華美心悅之欲曰娶妻當得

陰麗華後為皇后

喬

吳志云周瑜從孫策統

城得喬公兩女皆國色策自納大喬瑜納小喬

尤物

叔向欲妻申公巫臣氏其母曰吾聞甚美

必有甚惡尤物足以移人苟非德義則必有禍

宜笑

楚詞云既含皓芳又宜笑

嬌容

又云嬌容

修態

薛

史云高祖被圍平城陳平說閼氏言

漢有美女天下無雙急則進單于單于得必大
重之則閼氏踈矣于是言以解圍豔嬖張元素
傳太子父不見賓友元素曰宮中所見止婦人
不知如樊姬等何與益聖德者幾何若無之則
便談豔嬖何足顧哉天誅明皇貴妃楊氏始為
壽王妃武惠妃薨後廷無當帝意者或言妃姿
質天挺宜充掖廷遂內禁中號太真豔花明宗
淑妃王氏色美號花見羞豔面楊妃外傳云號
國夫人不施粧自有美艷常素面朝天豔娥武

三思妓素娥有殊色狄梁公請出之忽失所在
於堂與中蘭麝芬馥素娥語曰某花月之妖梁
公正人不敢出見補注宋史云宋武帝女壽陽
公主卧簷下梅花落額拂之不去自後有梅粧
吹蜀陳子昂記云昔蜀與中國不通秦以金牛
美女啖蜀補注杜陽編云元載未言納薛瑤英
為姬以瑤英體輕不勝重衣於異國求却塵衣
一襲與服之**飲乳**隨唐嘉話云侯君集有三美
人容色絕代言常飲人乳**綠珠**綠珠傳云綠珠

在雙角井山下汲者誕女必美 **遠山** 王京記云

卓文君眉如遠山時人效之號遠山眉 **花容** 李

白詩云雲想衣裳花想容春風拂檻露華濃 **承**

恩 又云號困夫人承主恩平明上馬入宮門却

嫌脂粉汗顏色淡掃蛾眉朝至尊 **眉月** 駱賓王

云動木香滿路移步機生塵冰下看粧影肩頭

盡月新 **隱** 笑林云有隣夫自外歸見婦吹火

贈詩曰吹火朱唇動添薪玉腕斜遙看烟裏面

一似霧中花

賢婦人

邶

詩云邶之媛兮注美女為媛**采芣**又云于

以采繁于澗之中注夫人不先取也**栢舟**毛詩

注云衛世子共伯蚤死其妻守義父母欲奪而

嫁之誓弗許作栢舟以絕之**下**趙姬謂趙襄

曰得寵而忘舊何以使人固請逆省及其母以

叔隗為內子而已下之以省使為嫡子使其子

下之**諫夫**樂羊子得遺金而歸其妻讓之曰妾

聞君子不以小利汚其行**鵲巢**鵲巢夫人之德

也國君積行累功以致爵位夫人德如鳩乃乃

可配焉

讀法

史記云晏子相齊其御之妻窺其

夫擁大蓋策駟馬意氣揚揚其妻請去是日夫

自抑損晏子問之以對荅為大夫

閨參

王凝之

妻謝氏道韞有才辨同郡張玄妹適於顧氏玄

稱之以敵道韞有濟尼游於二家或問之尼即

荅曰王家夫人神情朗徹有林下風氣顧家婦

冰清玉映自是閨房之秀

瑣學

豆滔妾蘇氏能

屬文滔符堅時坐徒流沙蘇氏織錦作迴文詩

以贈涵循環讀之辞甚清婉

牛衣

漢王章與妻

居冬無被卧牛衣中涕泣妻怒呵曰京師尊貴誰如仲卿不自憤激乃反涕泣後章至京兆尹郤上封事妻止曰人當知止章不從竟死獄中

少君

後漢鮑宣妻桓氏字少君宣從桓氏父學

父奇其清苦以女妻之資送甚盛宣不悅妻曰既承君子惟命是聽乃衣短布裳與宣共挽鹿車歸拜姑禮畢捉甕出汲修行婦道宣至隸司

先婦

袁隗妻馬融女少有才辨隗謂曰弟先兄

舉世以為笑今處第未適前行可乎對曰妾娣高貌求遇良匹不如鄙薄苟然而已

齊肩

梁鴻

伯鸞賃舂於臯伯通妻每饋食不敢仰視舉案齊眉

故夫

蔡琰字文姬重嫁於董祀祀犯法當

死文姬詣曹操請之時賓客在座操曰蔡伯喈女在外為諸君見之文姬進遂首徒行請罪音辭清辨旨甚哀痛操出杞罪

知人

晉王渾妻鍾氏名琰有文才初貴家子甚俊欲妻之令與群小吏雜處琰自帷中察之曰此人才足拔萃然

地寒壽夭不足展其器遂止其人數年卒**患富**
吳志李衡每欲治家女輒不聽後於武陵龍楊
州作宅種甘橘千樹臨死勅兒曰州里有木奴
千樹亦當足衣食母曰汝父恒稱太史公言江
陵千樹橘富比封君家吾曰蓋人患無德義不
患不富**受業**素皇母宋氏置生徒百二十人隔
絳紗受業**詠雪**謝氏內集雪下安曰白雪紛紛
何所似兄子朗曰散鹽空中差可擬女兄道韞
曰未若柳絮因風起安大悅**閑婦**廣德公主下

嫁于琮凡内外冠婚丧祀主皆身劳踈遠咸得其心為世聞婦不猶南楚新聞云閨圖有妹能文每語人曰有一進士所恨不櫛尔崔樞夫人治家整肅貴賤皆不許時世粧敏事朝野僉載則天朝來俊臣強盛朝官側目上令候敏事之其妻董氏諫曰俊臣國賊也勢不久可敬而遠之敏稍稍而退俊臣怒出為涪州武龍令敏欲弃官歸董氏曰速出莫求仕遂行至州以刺謁候不許止敏憂悶董氏曰仕莫求去後五十日

忠州賊破武龍殺舊縣令畧家口並盡以不許
止獲全俊臣誅逐其黨敏又獲免

貞節

列女傳

云貞姬者楚白勝之妻也白公早死其妻紡績
不嫁吳王聞其美使大夫操金百鎰白璧一雙
聘為夫人姬辭曰白公無恙時妾得充後宮執
箕箒今白公不幸而死妾願守坟墓以終天年
今王賜金璧之聘歷夫人之位非愚妾之所聞
也吳王賢其守節號曰貞姬

柔靜

李尋傳云地

道柔靜陰之常義

柔正

禮云妻柔而正婦聽而

婉

正順

柳文云其為妻道也正順之宜常服於

身體疑忌之慮不萌於心術忿懣之色不兆於

容貌同焉而合於禮婉焉而得其正

四德

烈女

傳云四德者婦德不必才明絕異也清閑正靜

守節整齊行已有耻動靜有法是謂婦德婦言

不必辯口利辭也擇辭而說不道惡語時然後

言不厭於是謂婦言婦容不必顏色美麗也

盥洗塵穢服飾鮮潔沐浴以時身不垢辱是謂

婦容婦功不必巧功過人也專心紡績不好戲

笑潔齊酒食以奉賓客是謂婦功

三美

樂天元

夫人墓銘云為女則孝友為元氏婦則豐潔家
祝為母則親執書誨二子皆以通經仕女美如
此婦德又如此母儀又如此三者具美可謂冠
古今矣

說客

史云漢武帝始微行嘗夜至柏谷

投逆旅主求漿主人翁曰無漿止有弱耳且疑
為奸盜聚少年欲攻之主人嫗覩上狀貌而異
之止其翁曰客非常人也且有備不可圖也翁
不聽嫗飲翁以酒醉而縛之少年皆散走嫗乃

殺雞為食以謝客

宋書

史云石勒妻劉氏有膽

畧石勒與之叅決軍事有吕后之風而不妬忌
更過之

具饌

晉史云周浚嘗出獵遇雨止李氏

家會其兄弟不在李氏聞浚至與一女於内宰
猪羊具數十人之饌甚精辦而不聞人声浚因
求為妾生子顗

關梁

通鑑梁紀云陳高梁太守

湯寶妻沈氏懷集部落數州晏然至隋王仲宣
反嶺南高梁沈夫人救廣州獲全冊沈氏為譙
國夫人開幕府于嶺南置官属便益行事

纂衆

通鑑云崔寧與楊子琳戰不利崔寧妾任氏出家財數十萬募兵得數千人帥以擊子琳破之

越姬

漢書云楚昭王謙遊越姬從謂姬曰願與

子生死若此姬曰君王樂遊要妾以死不敢聞命後王病太史請移於將相王曰將相猶股肱也姬曰大哉君王之德妾請王死矣

諫獵

傳云

楚莊王好獵夫人樊姬數諫不止不食禽獸之

肉二年王感之而勤於政事

合續

烈女傳云齊

女徐吾者與其隣婦合燭夜績吾貧而燭不屬

隣婦請無與夜徐吾曰一室之中益一人燭不為益明去一人燭不為益闇何愛東壁餘光莫之能應遂復與績

招兵

唐書云平陽公主嫁柴

紹初高祖兵興主與紹發家貲招亡命渡河主引精兵萬人與秦王會渭北紹及公主對置幕府分定京師號娘中軍

固守

唐烈女傳云鄭保英妻奚氏萬歲年契丹賊寇平縣保英時任刺史領兵討賊既而城孤援寡將陷奚氏乃率家僮及城内女丁相助固守賊退封為誠節夫人

不妬

螽斯

毛詩注云螽斯美后妃也言若螽斯不妬

忌則子孫衆多

小星

又云小星夫人無妬忌之

行惠及賤妾進御於君

碩人

又云碩人莊公惑

於嬖妾夫人莊姜賢不妬

樛木

又云樛木美后

妃也言能逮下而無嫉妬之心焉

女宗

烈女傳

云宋鮑蘇之妻不妬宋公表其閭曰女宗

樊姬

六帖云楚莊王樊姬進女於王勝已者二人如

已者七人

商女

東漢梁后傳云梁商女為貴人

嘗持被引御從容辭於帝曰陽以博施為德陰以不專為義螽斯則百福之所由興也願陛下思雲雨之均澤識貫魚之次序使小妾得免罪謗之累

烈婦

張氏

史記云聶政殺韓相俠累皮面抉目自屠

韓購以千金政姐聶榮聞之曰吾弟為吾在重自刑以絕妾柰何沒身之誅滅賢弟之名乎乃之韓市呼天者三死政之旁

張氏

史記云陝婦人

婺居事叔姑甚謹家欲嫁之毀面自誓後叔姑
病卒有女在夫家後婦乞假不得因誣殺其母
有司誅之烏哀鳴尸上境內不雨呼延謀為太
守訪其墓謚曰貞烈其日乃雨**割耳**史云李德
武坐事貶嶺南謂妻裴曰我方貶無還理君必
儼他族於此長訣矣答曰夫天也可背乎願死
無他欲割耳自誓母持不許**剔目**唐史云房玄
齡微時病且死謂妻盧曰吾病革君年少不可
寡居苦事後人廬泣入帷剔一目示無他會玄

齡良愈禮之終身

截耳

又云上陽女趙者父盜

盜當論死女詣官訴曰迫飢而盜救死尔情有
可原原之否則請俱死有司義之許減父死女
曰身為官所賜願毀服依浮屠法以報即截耳
自信侍父病卒不嫁**斷髮**又云崔繪死妻盧氏
年少家欲嫁之盧稱疾不許女兄適工部侍郎
李思冲以早亡冲方顯表表求繼室詔許之可
思冲歸幣三日舉盧不可曰吾豈再辱於人乎
是夕出自竇還崔舍斷髮自誓武后詔為尼

救

姑孔帖云鄭義宗妻盧氏夜有盜兵劫其家人
皆匿竄惟姑不能去盧冒刃立姑側為賊粹極
幾死賊去人問何為不惧答曰人所以異鳥獸
者以其有仁義也今隣里急難尚相赴姑可弃
邪若百有一危我不得獨生姑曰吾乃今見婦
之心

抵魔

御覽云衛孝女絳州人父為鄉人衛

長則所殺無忌甫六歲無兄弟母改嫁迨長志
報父仇會從父大延客長則在坐無忌抵以甓
殺之詣吏請就刑巡察使遂良以聞免其罪賜

田宅以禮嫁之

自刺

烈女傳云陳仲妻與二嫂

沒賊恐見侵相謂曰婦人以不污身為美豈可

待辱哉遂自刺

自刺

又云梁寡婦高行者早寡

梁貴人欲取之梁王聞之使聘焉高行曰妾之

夫不幸先犬馬填溝壑妾宜以身薦其棺槨守

養孤幼不得專意妾聞婦人之義以性不改以

全貞信之節今忘死而趨生是不信也乃援劍

割其鼻曰妾已刑矣所以不死者不忍幼嗣之

重孤也

守節

又云楚昭王出遊留夫人於漸臺

江水大至王遣使者迎夫人忘持符夫人曰王
與宮人約召必以符今使者不持符妾不敢行
於是使者返取符未還臺已壞流水而死宿瘤
又云齊閔王后項有大瘤號曰宿瘤初閔王出
遊百姓盡觀宿瘤採桑如故王怪問故對曰妾
受父母教宿瘤採桑不受教觀大王命後乘載
之女曰父母在內使妾不受教而隨王是不女
也王安用之王大慙聘之以為后報賊又云高
勸為趙州刺史為默啜所攻州陷勸仰藥不死

默啜示以室帶異袍曰降我賜尔官不降且死
勸視妻妻曰君受天子恩當以死報賊一品官
安足榮自是皆瞋目不語默啜知不可屈殺之

載事

西京雜記云魯人秋胡娶妻三日而遊宦

三年休還其婦採桑于郊胡至不識而悅乃遺
金一鎰妻曰妾夫遊宦未返于茲三年未有被
辱如今日也不願胡慙而退國語趙襄子登夏
屋山請代王使厨人操銅斗行鋹代王殺之其
姊聞之呼天磨笄自殺因以山名也雷德盛道

妻趙氏字媛蓋益部亂道聚衆敗當死媛姜夜告道速逃戶妾留獄代君媛姜乃解道桎梏子翔五歲令攜走度道遠以實告廳時見殺道會赦放歸終身不娶

報仇

吳許升妻呂氏字榮升

升

武勇晉書云符登妻毛氏善騎射登為姚萇

所殺乃率壯士與萇戰殺傷甚衆為萇所執罵

長而死

擄夫

又云劉遐妻邵續女駝果有父風

遐為石季倫所圍妻卑將數騎拔出遐於萬人

之中

陸氏

又云張茂為郡守被江充所害妻陸

氏傾產率茂部曲為先登討充充敗為陸所殺

斬賊

薛仁果其降將旁公地復叛所過剽害掠

王氏女醉寢于野王取公地所佩刀斬之送首

梁州詔封女為崇義夫人

沈海

符鳳妻某氏尤

妹美鳳以罪徙儋州至南海為遼賊所殺脅某

氏私之對曰一婦人不足事衆男子請一長者

賊然之乃請更衣有傾盛服立於舟罵曰受賊
辱不如死自沉於海文訓王林妻常氏士族也
林卒時常年二十五家欲強嫁之常固拒至不
聽者樂處一室或終日不食卒年七十五著女
訓行於世旣旣娥樂平人父勣漁于江遇風
濤舟覆屍不出娥年十四哭水上不食三日死
大震電水蟲多死父屍浮出鄉人異之柳宗元
為乞立碑旣旣死高愍女名妹妹父彥昭事正已
及納拒命頂其妻子使守濮陽挈城歸河南納

屠其家時女七歲母李怜其幼請免死為婢女
不肯問父在所西向哭再拜就死德宗詔大常
謚曰愍斷臂五代王凝任號州司戶叅軍以疾
卒於官妻李氏携幼子負其遺骨旅舍主人疑
之不許其宿李氏不肯去主人牽其臂而出之
李氏仰天長慟曰我為婦人不能守節而此手
為人執邪引斧自斷其臂

如婦

如思

詩注云以色曰妬以行曰思

見妬

史記云

女無美惡入宮而見妬士無賢不肖入朝見疾

惡妬

又云好女入室惡女之仇

其情

戰國策云

婦人之所以事夫者色也而妬者其情也

鮮庶

左傳云叔向曰吾母多而庶鮮注言父多妾媵

而庶子鮮少言母氏推恩不廣

三同

又云馮衍

妻妬悍不畜媵妾兒女自操井臼劉孝標云予

與敬通三同不遇一同也剛直二同也馮有忌

妻自操井臼予亦有忌妻家道坎坷三同也

遣

妻

藝文云馮敬通有一婢妻任氏酷妬之擊婢

無所不至敬通乃弃遣之因與婦弟任武達書
曰不去此婦則家不寧不去此婦則家不清不
去此婦則福不生不去此婦則家不榮不去此
婦則事不成吾數奇命薄偶相遭逢

絕嗣

本傳

云賈克婦郭槐性妬忌初克子黎民三歲乳母
抱之當閭黎民見克入喜笑就而拊之槐望見
謂克私乳母即便殺之黎民戀念而死克遂無
嗣

理婦

本傳云于宝父有所寵侍婢母甚妬忌

及父亡母乃生推婢於墓中後十餘年開墓而

婢如生載還經日乃甦言其父常取飲食與之
恩情如生在家中吉凶輒語之考校悉驗地中
亦不吝為惡驅牛世說云王導妻曹氏性妬導
密置衆妾於別館以處之曹氏知而將往導恐
被辱遽命駕恐遲以所執塵尾柄驅牛而進司
徒蔡謨戲導曰朝廷欲加公九錫導弗之受但
譙退而已謨曰不聞餘物唯短轅轅車長柄
塵尾導大怒謂人曰吾往與群賢共游洛河何
曾聞有蔡克兒也陳帷又云謝安夫人劉氏帷

諸婢使前在作伎太傅傳暫見便下帷太傅索
更開夫人云恐傷盛德國西陽雜俎云房孺
復妻崔氏性忌左右婢不得濃粧一婢新買粧
稍佳崔怒刻其眉以青填之燒鎖梁灼其兩角
以朱傅之及脫癰如粧焉國國策云楚王愛
新人夫人鄭哀謂新人曰王惡子臯見王必掄
又謂王曰惡王之鼻臭也王令剗之死記云
齊劉瑱妹為鄱陽王妃王為明帝所誅妃追傷
成疾瑱令陳郡殷禧為鄱陽王與寵姬照鏡狀

如欲偶寢以示妃妃唾之罵曰故宜早死於是
病亦除差諫死朝野僉載云兵部尚書任瓌甥
二艷姬妻妬爛其髮禿盡太宗聞之賜金甌酒
云飲之立死不妬即不須飲柳氏拜勅曰妾與
瓌俱微賤更相輔翼遂致榮宦今多內嬖誠不
如死乞飲盡無他帝謂瓌曰人不畏死不可以
死恐朕尚不能禁卿其柰何二女令別宅安置
妬神酉陽雜俎云臨濟有妬婦津相傳言晉太
始中劉伯玉妻段氏性妬忌伯玉嘗于妻前誦

洛神語其妻曰娶婦得如此吾無憾焉段氏曰君何以水神美而欲絳我吾死何愁不為水神其夜乃自沉而死後七日託夢語伯玉曰君本願神吾今得為神也伯玉寤而覓之遂終身不復渡水有婦人渡此津者皆壞衣枉粧然後敢濟不爾風波暴發醜婦雖粧飾而渡其神亦不妬也

附錄

莊宗愛姬甚有色而生子后心患之

莊宗燕居宮中元行欽侍側莊宗問曰爾新喪婦其復娶乎吾助爾聘后指愛姬請曰帝怜行

欽何不賜之韋宗不得已陽諾之后趣行欽拜
謝行欽再拜起顧愛姬有與已出宮矣韋宗不
樂稱疾不食者累日

御刀

王子拾遺記云桓溫

平蜀以李勢女為妾嘗着齊中惠南郡主聞知
與數十婢拔白刃襲之正值李梳頭髮委籍地
膚色玉耀不為動容徐徐結髮歛手曰國破家
亡無心至此今日若能見殺乃是本懷辭甚悽
惋主於是擲刀前抱之曰阿子我見汝亦怜何
况老奴遂善待之

上姑

楊夔著云梁武平齊登

有其內獲侍兒十餘輩頗娛於目為郅后所察動止皆有隔絢其憤恚殆將成疾左右識其情者進言曰臣嘗讀山海經云以鷦鷯為膳可以療其事使不忌陛下盍試諸梁武從之郅茹之後茹疾殆半帝愈神其事左右復言曰願陛下廣羞諸以徧賜群臣使不才者無茹于有才挾私者不茹其奉公濁者不嫉其清貪者不忌其廉俾其惡去善勝忌者皆知格心亦助化之一端也帝深然其言將詔虞人廣捕之會方宗內

典誠於血生其議遂寢

六虎

遜齋閑覽云本朝

延平吳氏姊妹六人皆妬悍時號六虎其中五
虎尤甚平生手殺婢十餘人凡三適人皆不終
夜分常聞堂廡間諠呼聲同室皆惧五虎怒曰
狂鬼敢爾耶闢戶移榻中庭持刀獨寢徹旦寂
然人謂五虎之威鬼猶畏也**四畏**聞見錄云王
文穆夫人悍妬貴為一品不置姬侍欲置左右
人竟不可得好賓客畜樂院二十人宅後園中
作堂名三畏楊文公戲言曰可改作四畏公問

其說曰兼畏夫人王深以為恨卒無嗣

淫婦

誨淫

易云冶容誨淫

桑中

詩云期我乎桑中要

我乎上宮送我淇之上矣淫奔詩也

相語

又云

女曰觀乎士曰既且且往觀乎洧之外洵于且

樂伊其相譖贈之以芍藥

奔語

王珉序云男女

無別遂相奔誘花落色衰復相弃背

通鑑

史云

始皇帝益壯太后淫不止呂不韋恐覺禍及身

乃私求大陰人嫪毐詐令人以腐罪告之按其

鬚眉為宦者遂得侍太后太后私與通絕愛之
有娠生二子皆匿之宿閣史云宋文帝女山陰
公主適附馬都尉何戢淫恣嘗謂帝曰妾與陛
下俱託體先帝陛下六宮數百而妾惟駟馬一
人太不均帝乃為置首面左右三十人吏部郎
褚彥回貌美公主悅之白帝召彥回宿閣公主
就之彥回不為私志公主曰公鬚髯如戟何無
丈夫意彥回曰回雖不敏何敢首為乱階水谷
韓子云燕李季好遊出其妻有士季至士在內

妻患之妻曰令公裸而解髮直出門吾屬佯不見士從其計疾走出門季曰是何人也家室皆曰無有季曰吾見鬼焉之柰何婦曰取五姓之水浴之季曰諾乃浴竊吞韓壽美姿容賈充辟以爲掾充每聚會賈女於青瑣中見壽悅之後婢往壽家具述其事并言女光耀壽聞之心動遂請婢潛修音問及期往宿壽矯捷絕人踰墻而入家中莫知後會諸吏聞壽有異香是外國所貢者一着人歷月不歇充計武帝惟賜已及

陳騫家餘無此疑壽與女通乃取左右婢考問
即以狀言克秘之以女妻壽

宋少

晉惠帝賈后

荒淫放恣洛南衛部小吏端麗美容止忽有非
常衣服衆異其竊尉裁而辨之小吏云行逢姬
說家有疾病宜得城南少年厭之歆暫相煩即
隨上車內簾箱中行可十餘里過六七門限開
見樓閣問是何處云是天上即以香湯見浴見
一婦人年三十五六短而形青黑色眉後有瘡
共寢數夕贈此衆物聽者知是賈后慙笑而去

時他人入者多死此吏后愛之得全而出
通奴
梁冀妻孫壽色美善為妖態冀甚寵憚之冀愛
監怒奏官官至太倉令得出入壽所因與私通
宮內外無寵推威大震

類傳卷第十終